

# Paonori Ipiשוֹקֶּה ya'huëpisopita ninshitërinso'

## Imapisopita yonquiaton, ninshitërinso'

**1** <sup>1</sup>Ca Paonoco ninshitaranquëma', ni'co'. ¿Noyanquëma' canpitanta'? Noya canta' ya'huarahué. Yosë nohuanton, Quisocristo acorinco nanamën a'china'huaso marë'. Canpitanta' Quisocristo noya imarama' ni'ton, Yosë noya ni'ninquëma'. Ipiשוֹקֶּה ya'huëramasopita ninshitaranquëma'. <sup>2</sup>Inaora nohuanton, Tata Yosë catahuainquëma'. Asanocancainquëma'. Sinioro Quisocristonta' inapochachin catahuainquëma'.

## Iráca quëran huarë' Tata Yosë yonquirinpoaso'

<sup>3</sup>Ma noyacha Tata Yosëso paya. Sinioro Quisocristo pa'pin inaso'. Inápa quëran noya noya yonquirinpoa'. Quisocristo imarëhua' ni'ton, na'con catahuarinpoa' noya noya cancantacaso marë'. Oshanënpoa' inquitatonpoa', anoyacancantërinpoa'. Ina quëran nani tahuëri catahuarinpoa' nohuantërinso chachin nicacaso'. Co inápaquë ya'huëyatërarihuarahué', inatohua' ya'huëarëhuaso pochin Yosë nohuitërehua'. Ina yonquiatëhua', "Yosparinquën Sinioro," itahua'. <sup>4</sup>Co'huara isoro'pa' ya'huëyatërasohué', yonquiatonpoa', huayoninpoa' nóya cancantacaso marë'. Quisocristo imapatëhua', oshanënpoa' inquitatonpoa', Yosë nóya ni'ninpoa'.

<sup>5</sup>Iráca quëran huarë' nosoroatonpoa', acorinpoa' huëntonëncuë ya'conacaso'. Quisocristo anoyacancantërinpoa' ni'ton, hui'nin pochachin ni'ninpoa'. Inaora nohuanton, noya yonquirinpoa'. <sup>6</sup>Hui'nin na'con nosororin. Ina imapatëhua', canpoanta' na'con nosoroarinpoa'. Ina yonquiatëhua', "Ma noyacha Tata Yosëso' ni'ton, inaora nohuanton, nosororinpoa' paya," tosarëhua'. <sup>7</sup>Quisocristo corosëquë chiminaton, nicha'ërinpoa'. Huënainën pa'nin ni'ton, oshanënpoa' inquitërinpoa'. Inaora nohuanton, Yosë na'con nosororinpoa'. <sup>8</sup>Nosoroatonpoa', na'con catahuarinpoa' no'tëquën yonquicaso marë'. Yonquinën chachin anitotërinpoa'. <sup>9</sup>Inaora nohuanton, nóya yonquirinpoa'. Co canpoara nitotopirëhuahué', yonquirinpoaso' anitotërinpoa'. Iráca quëran huarë' yonquirin Quisocristo a'paimacaso'. <sup>10</sup>Ina tahuërinën nanihuachin, Quisocristo ya'ipiya hua'anëntarin. Isoro'paquë ya'huërinsopita, inápaquë ya'huërinsopita inapita hua'anëntarin. A'na huëntofínchin pochin acoarin. Ina Yosë na'con nohuantërin.

<sup>11</sup>Inaora nohuanton, acorinpoa' piyapinënpita nicacaso marë'. Quisocristo imapatëhua', hui'nin pochin ni'sarinpoa'. Napoaton a'na tahuëri Yosë'pa' noya noya acoarinpoa'. Iráca chachin yonquirinpoa' ni'ton, huëntonëncuë aya'coninpoa'. <sup>12</sup>Quiya'ton imarai. "Quisocristo nicha'ësarinpoa'," ta'toi imarai. Noya

impatoi, a'napitanta' niconaco, Yosë yonquiapi inahuenta: "Ma noyacha Tata Yosëso paya," tosapi. Ina ta'caiso marë' acorincoi. <sup>13</sup>Canpitanta' Yosë nanamën natanama'. "Quisocristo anoyacancantohuachinquëma', nicha'ësarinquëma'," itërainquëma'. Natanpatamara: "No'tën nanan inaso'," ta'toma', natërama'. Quisocristo imapatama', hui'nin pochin Yosë ni'ninquëma'. Napoaton Ispirito Santo aya'coancantërinquëma'. Sichoquë marca acopiso pochin aya'coancantërinquëma' huëntonënguë aya'coninquëmaso' nitotacaso marë'. Iráca sha'huirinso chachin napotërinquëma'. <sup>14</sup>Quisocristo imapatëhua', Ispirito Santo ya'coancantomiatërinpoa'. Ina'ton quëtërinpoa' ni'ton: "Tëhuëenchachin a'na tahuëri Yosë'pa' quëpantarinpoa'," tënëhua'. Nani Yosë nicha'ërinpoa' ni'ton, o'mantacaso' tahuëri nanihua-chin, ya'huërin'pa' quëpantarinpoa'. Inaquë noya noya ya'huëcontarihua'. Ina yonquiatëhua': "Ma noyacha Tata Yosëso yonquirinpoa paya," tënëhua'.

### Inapita marë' Paonori Yosë nontërinso'

<sup>15</sup>"Quisocristo anoyacancantërinpoa'," ta'toma', inasáchin imarama'. Ina imatoma', ya'ipi imaramasopita capini noya ninosoroarama', natantërahuë. Ina natantato, nóya cancantërahuë. <sup>16</sup>Na'con canpita marë' Yosë nontërahuë. "Noya imarinënguën ni'ton, 'Yosparinquën, Sinioro,'" itërahuë, Yosë nontato. <sup>17</sup>Tata Yosëso' noya noya ninin. Inasáchin chinotacaso' ya'huërin. Quisocristo isoro'paquë o'maton, Yosë anohuitërinpoa'. Ina yonquiato, canpita marë' Yosë nontërahuë: "Catahuaquë' Sinioro no'tëquën yonqui'ina'. Noya noya nohuichinënguën. Noya nohuitohuachinënguën, quëma yonquiranso chachin nitotapi.

<sup>18</sup>Ya'ipi nanamën Sinioro noyá anito-tëquë'. Quëma huëntonënguë chachin aya'conancoi noya cancanta'huaiso marë'. Catahuaquë' ina yonquiatona', noya cancanchina'. A'na tahuëri ya'huëranquë chachin noya noya ya'huëcontarai. Ina na'con yonqui'ina'. <sup>19</sup>Quëmaso' ya'ipi nanitaparan. Natërainquën ni'ton, nani tahuëri catahuanancoi. Chini chiniquën nanantaton, nicha'ërancoi. Catahuaco'i ina yonquiato, chiniquën cancanchii. <sup>20</sup>Iráca chiniquën nanantaton, Quisocristo ananpitaantaran. Inápaquë quëpantarahuaton, inchinan quëran ahuënsëran ni'ton, chini chiniquën nanantarin," itërahuë, Yosë nontato. <sup>21</sup>Isoro'paquë nisha nisha hua'ano'sa', chirinchiro'sa', copirnoros'sa', inapita chiniquën nanantopi. Inapaquënta' chiniquën nanantopisopita ya'huëpi. Quisocristoso nipirinhue', inapita quëran chini chiniquën nanantërin. Co incari tëranta' nanitërinhuë' ina minsëcaso'. Co onporonta' a'napitari ina minsëapihuë'. <sup>22</sup>Yosëri chachin Quisocristo nanan quëtërin ya'ipi ya'huërinso-pita hua'anëntacaso marë'. Naporahuaton, ya'ipi imarëhuasopita catahuainpoaso marë' acorin. Na'aquënpoa' nipirëhua-huë', a'na huëntoínchin pochin ninëhua'. Inaso' motënpoa pochin nicon, ya'ipiya hua'anëntarinpoa'. <sup>23</sup>Inaora nonën pochin ni'ninpoa'. Napoaton na'con yonquirinpoa'. Nani ya'coancantërinpoa' noya noya imacaso marë'. Noyá ya'coancantohuachinpoa', ya'ipi cancanënpoa quëran ina yonquiarihua'. Ina marë' nininpoa'. Inaso' ya'ipiya hua'anëntarin.

### Inaora nohuanton nicha'ërinpoaso'

**2** <sup>1</sup>Iráca canpitaso' co noyahuë' niconatoma', oshahuanama'. Co Yosë nohuitatomahuë', chimipi pochin cancantërama'. <sup>2</sup>Co'huara Quisocristo

imashatërapomahuë!, sopai hua'an natëtoma!, co noyahuë! ninama!. Inaso' ihuan ya'huërinquë ya'huaton, ya'ipi sopairo'sa' hua'anëntarin. Co quënan-pirëhuahuë!, isoro'paquë sacatárin minsëinpoaso marë!. Yonquinëmaquë camairinquëma! ni'ton, co Yosë natëramahuë!. <sup>3</sup>Iráca ya'ipinpoa! co Yosë natërëhuahuë!. Co noyahuë! yonquiatëhua!, co noyahuë! ninëhua!. Canpoara nohuantërëhuasoráchin ninëhua!. Yano'huitohuatëhuara, no'huitërëhua!. Yano'píhuatëhuara, no'pirëhua!. Yaahuëtohuatëhuara, ahuëtërëhua!. Ina marë! ya'ipinpoa! ana'intinpoaso! ya'huërin. <sup>4</sup>Yosëso nipirinhuë! na'con nosororinpoa!. Nosoroatonpoa!, yanicha'ërinpoa!. <sup>5</sup>Oshahuanëhua! ni'ton, chimipi pochín ni'pirinpoahuë!, oshanënpoa! inquitërinpoa!. Iporaso huachi Quisocriso imarëhua! ni'ton, nãpíantarinso pochín Yosë ni'ninpoa!. Anoyacancantërinpoa! noya noya cancantacaso marë!. Nosoroatonpoa!, inaora nohuanton, nicha'ërinpoa!. <sup>6</sup>Iráca Quisocriso pa'pítópirinahuë!, Yosëri anãpitaantarahuaton, inápaquë quëpantarin. Canpoanta! imarëhua! ni'ton, inarë!quënpoa! nãpíantarëhuaso pochín anoyacancantërinpoa!. Quisocriso ya'coancantërinpoa! ni'ton, ipora chachín inápaquë ya'huarëhuaso pochín Yosë ni'ninpoa!. <sup>7</sup>Yosë inaora nohuanton, na'con nosororinpoa!. Quisocriso imapatëhua!, noya catahuarinpoa!. A'na tahuëri a'napítanta! nícátënnëpoa!, Yosë chinotapi: “Ma noyacha Yosëri nosororin paya,” tosapi. <sup>8</sup>Nosoroatonpoa!, inaora nohuanton nicha'ërinpoa!. “Quisocrisoíchin anoyacancantërinpoa!,” topatëhua!, oshanënpoa! inquitatonpoa!, nicha'ërinpoa!. Co canpoara nanitërëhuahuë! Yosë imacaso!. Ina catahuarinpoa! cancãnnëpoa quëran natëcaso!. <sup>9</sup>Co

canpoara nanitërëhuahuë! cha'ëcaso!. Napoaton co nocantacaso! ya'huërinhuë!. “Caso! noyaco ni'to, Yosë'pa' pa'sarahuë,” co ta'caso! ya'huërinhuë!. <sup>10</sup>Yosë anoyacancantërinpoa!. Anoyacancantahuatonpoa!, acorinpoa! nóya nicacaso marë!. Quisocriso catahuahuachinpoa!, noya nisarëhua!. Iráca quëran huarë! yonquirinpoa! ina pochín nicacaso!. Ina marë! nicha'ërinpoa!.

### Quisocriso nanan anoyatërinpoaso!

<sup>11</sup>Isonta! iyaro'sa! yonquico!. Iráca co pi'pian tëranta! Yosë nohuitëramahuë!. Canpitaso! nisha piyapi'sanquëma! ni'ton, cotioro'sa! nocaninënnquëma!. “Quiyaso! Yosë piyapínënpítacoi. Canpitaso! co marca tëranta! nonëmaquë niacotëramahuë!,” itërinënnquëma!. <sup>12</sup>Tëhuënnchachín co'huara imashatërapomahuë!, co Quisocriso nohuitëramahuë!. Iráca Yosëri israi-ro'sa! huayonin piyapínënpita nicacaso! ni'ton, “Nicha'ësarannquëma!,” itërin. Co inapita pochín ni'ninnquëmahuë!. Shimashonënapítarë! anoyatërinso! sha'huitópirinhuë!, co nitotëramahuë!. Topinan quëran ya'huërama!. Co Yosë'pa' pacamaso! ninaramahuë!. Co pi'pian tëranta! Yosë nohuitëramahuë!. <sup>13</sup>Co Yosë nohuitatomarahuë!, áquë pochín nisapíramahuë!. Iporaso! Quisocriso imatoma!, nohuitërama huachi. Oshanëma marë! huënnainënn pa'nin ni'ton, Yosë anohuitërinquëma!. Ya'caritëramaso pochín ninama!. <sup>14</sup>Quisocriso chiminín ni'ton, nanan anoyatërinpoa!. Iráca cotioro'sacoi co noyahuë! ni'nainquëma!. Nisha piyapínquëma! ni'ton, inimicoro'sa pochín ni'pirainquëmahuë!. Inaso! chiminatón, paíra pochín ya'copírinpoaso! nani chí'huincarin. Iporaso! ya'ipinpoa! Quisocriso imarëhuasopita

a'na huëntoínchin ninéhua'. <sup>15</sup>Quisocristo nasha nanan quëtërinpoa'. Co huachi iráca pënëntërinso' yonquicaso' ya'huërinhué'. Ya'lipinpoa' Quisocristo imapatéhua', nasha huëntonquë aya'-coninpoa'. Quisocristo huëntonëinquë ya'conatéhua', co huachi nisha chinotërëhuahué'. Nisha nisha piyapinpoa' nirihuarahué', noya nini'téhua' ya'huë-réhua'. <sup>16</sup>Naporahuaton, co huachi Yosë inimicotërëhuahué'. Quisocristo corosëquë chiminatón, nanan anoyatërinpoa'. Cato' huëntón pochín nipi-réhua'hué', Quisocristo imapatéhua', noya ninicatéhua' ya'huë-réhua'. A'na huëntoíchin ninéhua'.

<sup>17</sup>Quisocristo isoro'paquë o'maton, noya nanan sha'huitërinpoa'. "Ya'lipinquëma' nicha'ésaranquëma'," itërinpoa'. Canpitaso' co pi'pisha tëranta' Yosë nohuitatomarahué', áquë pochín nipi-ramahué', nanan anoyatërinquëma'. Cotioro'sacointa' ya'carisha pochín ninaiso' nanan anoyatërincoi. <sup>18</sup>Quisocristo chiminín ni'tón, ya'lipinpoa' nanitëréhua' Tata Yosë nontacaso'. Ispirito Santo catahuarinpoa' ni'tón, ina nontohuatéhuara, noya nataninpoa'. <sup>19</sup>Napoaton iporasos' iyaro'sa', Yosë nohuitërama'. Co Yosë'pa' pa'shatërapomarahué', nani huëntonëinquë aya'-coninquëma'. Ya'huëhuano'sa pochín nisarama'. Co huachi nisharo'sa pochín ni'ninquëmahué'. Ya'lipinpoa' Quisocristo imarëhuasopita hui'ninpita pocháchín nóya ni'ninpoa'. <sup>20</sup>Ya'ipi imarëhuasopita ina naponpoa cháchín a'na pëi pochín ninéhua', na'pi quëran nipiso'. Na'pi quëran yapëihuatëra, acopo' ihuatahuatë', siminto'tón acorë'. Inapocháchín canpoanta' Yosë pëinën pochín ninéhua'. Siminto acopiso pochín, ca'tano'sa'tón nanamën a'chintërinënpoa'. Ina quëran pënëntona'piro'santa'

no'tëquën a'china'piapi. Na'pi quëran yapëihuatëra, pëi' taconoringüë na'pi noya noya nininso' acorë' tantiacaso marë'. Ina acohuatëra, a'napita na'pi-ro'sa' no'tëquën apanshinë'. Na'pi noya noya nininso pocháchín Quisocristosos' achinirínpoa'. <sup>21</sup>Quisocristo imapatéhua', Yosë acoarinpoa' ina pëinën pochín nicacaso marë'. Catahuahua-chinpoa', noya nini'téhua' ya'huë-réhua'. A'napitanta' a'naya a'naya Quisocristo imapachina', ya'conapi anta'. Nóya pëi' Yosë chinotacaso marë' acorëso pochín nisaréhua'. <sup>22</sup>Canpitanta' Quisocristo imatoma', ya'conama'. A'naya a'nayanpoa' na'pi pochín ninéhua' pëi' nanicaso marë'. Ya'ipi imarëhuasopita Yosë pëinën pochín ninéhua'. Ispirito Santo ya'coancantohuachinpoa', Yosë cháchín canpoarë' ya'huërarín huachi.

#### Nanamën a'chinacaso marë' acorinso'

**3** <sup>1</sup>Napoaton isonahuato, canpita marë' Yosë nontarahuë. Nisha piyapi'sanquëma' nipomarahué', Quisocristo nanamën a'chintëranquëma' ni'tón, tashinan pëiquë po'morinaco. <sup>2</sup>Inaora nohuanton, Yosë cháchín acorinco a'chinta'huanquëmaso marë'. Na'con catahuarinco ni'tón, nanamën sha'huiárahue', natantërama'. <sup>3</sup>Iráca quëran huarë' Yosë yonquirín nicha'ëinquëmaso'. Napoaponahué', co piyapi'sa' anitotërinhué'. Iporaso nipirínhué' inaora nohuanton, anitotërinco ni'tón, nani pi'pian ninshitëranquëma'. <sup>4</sup>Ina nontohuatama', Quisocristo nanamën anitotërinco'so' canpitanta' nitotarama'. <sup>5</sup>Iráca co iso nanan nitotopihué'. Iporaso' Quisocristo acorincoisopita nitotërai. Pënëntona'piro'santa' nitotopi. Ispirito Santo anitotërincoi a'china'huaiso marë'. <sup>6</sup>Na'a

pi'ipi cotioro'saráchin Yosë chinotopi. "Nicha'ësaranquëma!" itaton, Yosëri na'con catahuarin. Iporaso nipirinhüë' nisha piyapi'sanquëmantá' catahuarinquëma'. Noya nanan natanatoma', Quisocristo imarama' ni'ton, canpitanta' nicha'ësarinquëma'. Napoaton a'na huëntoínchin pochin ninëhua'.

<sup>7</sup>Yosë nosoroatonco, acorinco ina nanan a'china'huaso marë'. Co acoincosohüë' nipirinhüë', acorinco. Na'con catahuarinco ni'ton, noya a'chináruhuë'. <sup>8</sup>Caso' a'napita imapisopita quëran na'con na'con co noyahuë' nipirahuë', anoyacancantërinco. Ina quëran nosoroatonco, acorinco nisha piyapi'sa' sha'huita'huaso marë'. Quisocristo nanamënso' noyápiachin. Ma inacha ni'ton, nosoromiatërinpoa paya, ténahuë yonquiato. <sup>9</sup>Iráca Yosëri ya'ipi ma'sha ninin. Naporo chachin yonquirinpoa' anoyacancantinpoaso marë'. Napoapohuë', co ya'ipi piyapi'sa' sha'huitërinhuë'. Ipora huarë' anitotërinco ni'ton, sha'huitëranquëma'. <sup>10</sup>Na'con Yosë yonquirinpoa'. Ina nohuanton, oshaquëran a'naya a'nayanpoa' imarëhua'. Iporaso' na'aquënpoa' imapatëhua', Quisocristo huëntonënuë ya'conëhua'. Inápaquë chiníquën nanantopisopitanta' nicatënënpoa': "Ma noya Yosë yonquirin ni'ton, anoyacancantaton, huëntonënuë chachin aya'conin paya," tosapi. <sup>11</sup>Iráca quëran huarë' Yosë yonquirinpoa' imacaso marë'. Quisocristo o'maton, huëntonënuë aya'coninpoa'. Inasáchin hua'anëntërinpoa'. <sup>12</sup>Ina imarëhua ni'ton, natëtëhua', Yosë nontarihua'. "Anoyacancantërinpoa' ni'ton, noya natanarinpoa'," ta'tëhua', co t'ë'huatarihuhüë'. Noya cancantatëhua', ina nontarëhua'. <sup>13</sup>A'chintëranquëma' ni'ton, tashinan pëiquë po'morinaco. Parisitapirahuë', chiníquën cancantoco'.

Canpitanta' Quisocristo imacamaso marë' parisitëruhuë. Ina marë' noya cancantacaso' ya'huërin.

#### Quisocristo nosororinpoaso'

<sup>14</sup>"Ma noyacha Yosë yonquirinpoa paya," ta'to, isonahuato, Tata Yosë nontëruhuë. <sup>15</sup>Inaso' ya'ipinpoa' hua'anëntërinpoa'. A'naquën inápaquë ya'huërapí. A'naquënpoa'ta' isoro'paquë chachin ya'huëarëhua'. <sup>16</sup>Napoaton canpita yonquiatënuëma', Yosë nontëruhuë. "Quëmaso' Siniro chini chiníquën nanantëran. Noya noyanquën ni'ton, imarinënsopita nosoroaton, catahuaquë' chiníquën cancanchina'. Ispirito Santori achinicancaín noya noya imainënuë. <sup>17</sup>Ya'ipi cancanëna quëran natëtatona', Quisocristoíchin yonqui'ina'. 'Cancanënuëquë ya'huërarín,' ta'tona', noya noya nohuichinën. Catahuaquë' noya nosoro'inën. Ya'ipi piyapi'santa' nosoro'ina', Nara itëquën acopo' pa'pachina, co inpaninhüë'. Inapochachin inapitanta' 'Quisocristo na'con nosororincoi,' ta'tona', a'napitanta' nosoro'ina'. Noya ninosorohuachina', Ispirito Santori catahuararin chiníquën cancanta-caiso'. <sup>18-19</sup>Inapohuachina', Quisocristo nosoromiatërincoiso' nitotapi. Pi'iro'të' pancantërinso', naporopitërinso', inaparinso', acoporinso' inapita co naninahuanhuë' yonquirai. Inapochachin Quisocristo nosoromiatërincoisonta' co nitotochináchinhuë' nipirinhüë', nitotapi. Ina nitotohuachina', ya'ipi quihuítërancoisopita ya'huëtapi. Ya'ipi imapisopita ina yonqui'ina'," itëruhuë.

<sup>20</sup>Tata Yosëso' chini chiníquën nanantaton, ya'ipi nanitaparín. Hua'yanën chachin nani ya'coancantërinpoa' ni'ton, noya catahuarinpoa'. Nani tahuëri achinicancaninpoa' ni'ton, cancanënpoa quëran huarë' Yosë yonquia'ahua'. Ina

nontohuatêhua', "Catahuaco," itohua-têhua', na'con catahuarinpoa'. Na'con nohuantopirêhuahuê', na'con na'con inaso' nanitaparín nicacaso'. Co nitotêrêhuasohuênta' nanitaparín. <sup>21</sup>"Ma noyacha Tata Yosëso paya," itahua'. Quisocristo noya imapatêhua', a'napi-tanta' nicatênênpoa', Yosë yonquiapi. Ya'ipi piyapi'sari ina chinochina'. Ama onporonta' ina naniantahuasohuê'. Ipora quëran huarê' inasáchin yonquia'ahua'. Amen.

#### A'na huënton pochín ninêhuaso'

**4** <sup>1</sup>Quisocristo nanamên a'chinahuëso marê' tashinan pêiquê po'mopirina-cohuê', iporahua'ta' pênênáranquêma'. Yosë nicha'êtênquêma', huëntonênquê aya'coninquêma'. Napoaton noyasáchin nico'. <sup>2</sup>"Yoséichín catahuarinpoa' noya nicacaso'," ta'toma', ama a'napita nocancosohuê'. Sanoanan quëran nontoma', ama no'huicosohuê'. A'napita ma'sha onpotohuachinênquêma', ama yai'huêrêtosohuê'. Co noyahuê' nipirinahuê', nosoroatoma' noya nontoco'. <sup>3</sup>Na'con yonquico' iyaparima pochín ninosorocamaso'. Ispirito Santo catahuarinquêma' napopináchin yonquicamaso marê'. Ina catahuahuachinquêma', co pi'pian têranta' nino'huíaramahuê'. Noya nini'toma', ya'huarama'. <sup>4</sup>Quisocristo imapatêhua', ya'ipinpoa' a'na huëntoínchin pochín ninêhua'. A'naíchin Ispirito Santo ya'huêrinso' ya'coancantêrinpoa'. Imarêhuasopita nicha'ésarinpoa' ya'huêrinquê chachín quêpanta'inpoaso marê'. Inasáchin ninarêhua'. <sup>5</sup>Quisocristoíchin hua'anêntêrinpoa'. Ina nanamênáchin natêrêhua'. "Quisocristo imarahué," ta'têhua', aporihuanêhua'. Co nisha nisha imacaso marê' aporintêrinênpoahuê'. <sup>6</sup>Tata Yoséichín

chinotêrêhua'. Ya'ipi imarêhuasopita hui'ninpita pochín ni'ninpoa'. Inaso' chini chiníquên nanantaton, hua'anêntêrinpoa'. Ya'ipinpoa' catahuarinpoa' ina marê' sacatacaso'. Imapatêhua', ya'coancantomiatêrinpoa'.

<sup>7</sup>Quisocristo catahuarinpoa' ma'sona têranta' noya nicacaso marê'. Ya'ipinpoa' a'naya a'nayanpoa' catahuarinpoa' nisha nisha nicacaso'. Inaora nohuanton, catahuarinpoa' ma'sona nohuantêrinso' noya nitotacaso marê'. <sup>8-9</sup>Íraca inápaquê nóya ya'huêpirinhuê', isoro'paquê chachín o'marin. Na'con parisitaton, chiminín. Pa'pitopirinahuê', nanpíantaton, inápaquê panantarin. Íraca quiricanênquê naporín:

"Ya'ipi minsêrahuaton, inápaquê panantarin huachi. Naporahuaton, ma'sha topinan nicanarêso pochín piyapinênpita catahuarín nóya nicacaso'.

Nisha nisha nicacaso' catahuarín," ténin.

<sup>10</sup>Quisocristo chachín isoro'paquê o'marahuatón, inápaquê panantarin. Yosë ya'huêrinquê chachín panantarahuatón, hua'yanên chachín a'patimarínpoa' ya'coancantínpoaso marê'. Ya'ipi parti ya'huaton, ya'ipi hua'anêntarin.

<sup>11</sup>Naporahuaton, nisha nisha acorinpoa' nicatahuacaso marê'. A'naquên Quisocristori chachín a'parín a'chincaso marê'. A'naquêonta' Ispirito Santo nohuanton, Yosë yonquirínso chachín sha'huírín. A'naquêonta' nisha nisha parti paaton, Yosë nanamên a'chínapiarín. A'naquêonta' ina nohuanton, ya'huêpíquê ya'huêhuano'sa' nani tahuêri catahuapi noya imacaiso marê'. A'naquêonta' ya'ipi Yosë nanamên a'chínapi. <sup>12</sup>Nisha nisha acorinpoa' noya nicatahuacaso marê'. Inaora

nonën pochin ni'ninpoa' ni'ton, ya'ipi imarëhuasopita catahuarinpoa' noya ina marë' sacatacaso'. <sup>13</sup>Inapohuatëhua', ya'ipinpoa' imarëhuasopita napopináchin yonquiarihua'. Yosë hui'nin chachin nóya nohuitarihua'. Ina quëran noya noya cancantarihua'. So'sorëso pochin oshaquëran Quisocristo pochachin cancantacaso' ya'huërin. <sup>14</sup>Ina quëran no'tëquën yonquiarihua'. Co huachi hua'huaro'sa pochin cancantarihuahuë'. Hua'huaro'saso' co yonquiyatërapihuë' ni'ton, nisha nisha natëtöpi. Canpoaso nipirinhuë' chinotënpoa pochin no'tëquën yonquia'ahua'. Ni'co'. Panca ihuan huë'pachina, poti niquëran niquëran ohuërerin. Co no'tëquën yanponinhuë'. Inapochachin a'naquën nisha nisha nanan natanpachinara, nisha nisha yonquipi. Co Quisocristo nanamënáchin yonquipihuë'. A'naquën nisha nisha a'chinapi. Noyá nitotöpi nonpinacaiso'. Nonpin nanan imatona', yanonpintopirinënuquëmahuë', ama pi'pian tëranta' natëcosohuë'. <sup>15</sup>Quisocristo nanamënso nipirinhuë' no'tën nanan. Noya ninosoroatëhua', inasáchin nia'chintahua'. Inapohuatëhua', oshaquëran Quisocristo pochin cancantarihua'. Inaso' na'con nosoroatonpoa', hua'anëntarinpoa'. Inaora nonën pochachin ni'ninpoa'. Inaso' motënpoa pochin ni'ton, natëcaso' ya'huërin. <sup>16</sup>Ina natëhuatëhua', noya nini'tëhua', ya'huarihua'. Ya'ipinpoa' nicatahuacaso' ya'huërin. Nisha nisha nicatahuarihua' noya noya imacaso marë'. Quisocristo chachin catahua-huachinpoa', noya nicatahuarihua'. Ina quëran ninosoroatëhua', ya'ipinpoa' noya noya cancantarihua'.

#### Nasha cancan quëtërinpoaso'

<sup>17-18</sup>Quisocristo nanan quëtërinco ni'ton, pënënananquëma'. Na'a

piyapi'sa' co imatonaraihuë', topinan quëran ya'huërapí. Somaraya pochin cancantatona', nisha nisha yonquipi. Co natantochináchinhuë' cancantöpi ni'ton, co Yosë nanamën nitotöpihuë'. Co Yosë yonquiatonaraihuë', co manta' Yosë nohuitöpihuë'. Ama inapita pochin nicosohuë'. <sup>19</sup>Inapitaso' nitotaponaraihuë', co nohuan-topihuë' noya nicacaiso'. Co noyahuë' nisáponaraihuë', co nitotapanpihuë'. Monshihuanacaisoáchin yonquipi. Co noyahuë' yonquiatona', a'naratipita nipi. <sup>20</sup>Co ina pochin Quisocristo a'chintërinpoahuë'. <sup>21</sup>Inaso' no'tëquën anitötërinpoa'. Nanamën nani natanama'. <sup>22</sup>Íráca pa'pi co noyahuë' ninama'. No'pirama', monshihuanama', nisha nisha yonquirama'. Inapohuatamara, "noya cancantarëhua'," topiramahuë', ninonpintërama'. Co tëhuëinchachin noya cancantëramahuë'. Íráca naporamaso' chanatërinso pochin Yosë ni'ninquëma'. Iporaso' ya'ipi co noyahuë' yonquiramasopita naniantoco huachi. <sup>23</sup>Ina naniantatoma', nóya cancantoco' noya noya yonquiamaso marë'. <sup>24</sup>Nasha cancan Yosë quëtërinpoa' ina pochin cancantacaso marë'. Napoaton nasha a'morëso pochin nasha cancantoco'. No'tëquën yonquiatoma', noyasáchin nico'.

<sup>25</sup>Ya'ipi imarëhuasopita Yosë huëntonënuquë chachin ya'conëhua'. Iyanpoa pochin ninëhua'. Napoaton ama ninonpintahuasohuë'. No'tëquënáchin ninontahua'.

<sup>26</sup>A'na piyapi no'huihuatama', ni'cona oshahuantama'. Co'huara pi'i ya'co-yantërasohuë', nanan anoyatoco'. <sup>27</sup>Hua'qui' no'huihuatama', a'naroáchin sopai minsëarinquëma'.

<sup>28</sup>A'naquëma' íráca ihuatërama'. Ama huachi ihuatocosohuë'. Ama

chirotomarahuë!, noya sacatoco!. Ina quëran nanitërama! pahuantërinso-pita quëtacamaso!.

<sup>29</sup>Ama taparo! noncosohuë!. Ama ma'toma ma'toma noncosohuë!. Sano yonquiatoma!, noya nonco! a'napita nata-natëinquëma!, Yosë yonqui'ina!. Noya noya imacaso marë! catahuaco!. <sup>30</sup>Co noyahuë! nipatama!, Ispirito Santo sëtarin. Quisocriso imapatamara, sichoquë marca acotëreso pochin Ispirito Santo aya'coancantërinquëma!. Ayaro! tahuëri-quë huarë! a'paiarinquëma!. Naporo! noyá nicha'ësarinquëma!. Napoaton ama Ispirito Santo asëtocosohuë!.

<sup>31</sup>Ama a'napita no'huitoma!, yonquirá-cosohuë!. A'naroáchin nanan anoyatoco!. Ama no'huitacamaso! nohuantocosohuë!. Ama no'huito canainquëmasohuë!. Ama iquianan quëran ninontocosohuë!. Nipinocasonta! co noyahuë!. Ama pi'pian tëranta! co noyahuë! nicosohuë!. <sup>32</sup>Ya'ipi piyapi noya nontoco!. Nosoroatoma!, catahuaco!. Ma'sha onpotohuachinë-nquëma!, ama ina yonquicosohuë!. Quisocriso imarama! ni'ton, Yosë oshanëma! inquitërinquëma!. Canpita marë! chiminin ni'ton, nanan anoyatë-rinquëma!. Inapochachin canpitanta! a'napita ma'sha onpotohuachinë-nquëma!, nanan anoyatatoma!, noya nontoco!.

**Yosë imatëhua!,  
noyasáchin niahua!**

**5** <sup>1</sup>Yosë nosoroatonpoa!, hui'ninpita pochin ni'ninpoa!. Tatanpoa! ni'ton, ina nonahuan!. <sup>2</sup>Quisocriso nosoroa-tonpoa!, canpoa marë! chiminin. Oshanënpoa marë! chiminpachina, Yosëri noya ni'nin. Napoaton canpoanta! nani tahuëriya inapochachin ninosoroa'ahua! Yosë noya ni'inpoa!.

<sup>3</sup>Yosë anoyacancantërinquëma! ni'ton, ama iyaro'sa! monshihuanacosohuë!.

Ama a'na quëmapi sa'in noyapacosohuë!. Ama ma'sharáchin cancantatoma!, apiracosohuë!. Ama a'napita tëranta ina pochin nipiso sha'huitocosohuë!. <sup>4</sup>Ama taparo! ninontocosohuë!. Ama narinacasoachin yonquicosohuë!. Co topinan quëran ninontacaso! ya'huërinhuë!. Yosë catahuarinpoaso! na'con na'con nisha'huitatëhua!: “Yosparinquën Sinioro,” itahua!. <sup>5</sup>Monshihuanpatama!, co Quisocriso huëntonë-nquë ya'conamahuë!. Taparo! nininso! nipatama!, co imaramahuë!. Ma'sharáchin yonquihuata!, co tëhuë-nchachin Yosë yonquiamahuë!. Nani ma'sha nohuantohuatama!, mamanshi moshapiso pochin niconama!. Ina nitotatoma! iyaro'sa! yonquico!. <sup>6</sup>A'naquën yanonpintatë-nquëma!, napopi: “Quisocriso imapomarahuë!, ma'sona nohuantëramaso! nico!, co ana'inta-rinquëmahuë!,” itopirinë-nquëmahuë!, ama pi'pian tëranta! natëcosohuë!. Co Yosë natëpisopitahuë! chiniquën ana'intarin. <sup>7</sup>Napoaton ama inapitarë'quëma! nipayacosohuë!.

<sup>8</sup>Íraca tashi pochin cancantopirama-huë!, iporaso! Yosë imarama! ni'ton, anoyacantërinquëma! tahuëri pochin nicacamaso marë!. Napoaton tahuëri pochin nico!. <sup>9</sup>Tahuëri pochin cancan-tohuatama!, nóya nisarama!. No'të-quë-náchin yonquiatoma!, noyápiachin cancantarama!. <sup>10</sup>Noya yonquiatoma!, Yosë nohuantërinso! nitotoco!. Ina nitotohuatama!, ya'ipiya natëco!. <sup>11</sup>A'naquën tashi pochin cancantatona!, co noyahuë! nipi. Topinan quëran ya'huë-rapi ni'ton, ama inapita pochin cancantocosohuë!. No'tëquën sha'huitoco! co noyahuë! nipisopita naniantacaiso marë!. <sup>12</sup>Pa'pi co noyahuë! nipi. Po'oana quëran a'naratipita nipi. Napopiso a'ninquëchin sha'huirahuë! naporini,



pa'pi tapaintërihuahuë'. <sup>13</sup>Noyasáchin nipatëhua', oshahuano'sa' oshaquëran yonquiapi. "Tëhuëncachin co noyahuë' ninëhua'," tosapi. <sup>14</sup>Tahuëri nipachina, ya'ipi quënanë'. Ninshitatona napopiso chachin ninin.

"Co noyahuë' nipatama', huë'ë-rëso pochin cancantarama'.

Ama ina pochin cancantatomarahuë', Yosë yonquico'.

Chimipi pochin cancantohuatama', Yosë nontoco' nasha cancan quëchinquëma'.

Ina quëran nãpïantarëso pochin cancantarama'.

Quisocristo chachin a'pintarinquëma' noya nicacamaso marë'," topi.

<sup>15</sup>Napoaton iyaro'sa' noya yonquiatoma' ya'huëco'. A'naquë co manta' yonquipihuë'. Ama inapita pochin cancantocosohuë'. No'tëquë yonquico'.

<sup>16</sup>Ama tahuëri chiniacosohuë'. Iporaso' na'a piyapi'sa' co noyahuë' cancan-topi. Napoaton apira apira a'napita catahuaco' Yosë yonquicaiso marë'. Onpopionta' nanamën anitotoco'. <sup>17</sup>Ama topinan quëran ya'huëcosohuë'. Yosë nohuantërinso' nitotatoma', natëco'.

<sup>18</sup>A'naquë no'picasoáchin cancantopi. "Huëco' no'piahua'. Capa cancantahua'," nitopirinahuë'. Ama canpitaso' no'picosohuë', nishacancantotama'. Yosë nontoco' Ispïrito Santo noyá ya'coancanchinquëma'. Nani tahuëri ya'coancantomiachinquëma'. Ina quëran co no'pipomarahuë', tëhuëncachin capa cancantomiatarama'. <sup>19</sup>Yosë quiricanëncuë cantapiso' yonquiatoma', nisha'huitoco'. Yosë cantanëncantaco'. Nisha nisha cantanëncantatoma', ya'ipi cancanëma quëran Yosë chinotoco'. <sup>20</sup>Nani tahuëri Tata Yosë nontatoma': "Yosparinquë," itoco'.

Ma'sha onpoapomarahuënta', noya cancantoco'. "Sinïoro Quisocristo nanan quëtërinco ni'ton, nontaranquë," ta'toma' Yosë nontoco'.

### Quëmapi'sa' sa'inarë chachin pënëninso'

<sup>21</sup>Quisocristoso' hua'anëma' ni'ton, ina yonquiatoma', imaramasopita capini nicatahuaco'. Ya'ipinquëma' nipënënatoma', ninatanco'. <sup>22</sup>Sanapi'sa' Sinïoro natëtona', so'inanta' natëina'. <sup>23</sup>Imarëhuasopitaso' Quisocristo nonën pochin ninëhua'. Inaso' hua'anënpoa' ni'ton, camairinpoa'. Ya'ipi imarëhuasopita nicha'ësarinpoa'. Napoaton inasáchin natëcaso' ya'huërin. Inapochachin quëmapi'sa' sa'ina quëran chini chiniquënanantërin. Napoaton sanapi'sa' so'ina' natëina'. <sup>24</sup>Imarëhuasopita Quisocristo natërehuaso pochachin sanapi'santa' so'ina' natëina'.

<sup>25</sup>Quëmapi'santa' sa'ina' nosoro'ina'. Quisocristoso' imarëhuasopita na'con nosororinpoa'. Nosoroatonpoa', ya'huë-rënamënpoa' chiminin. Ina nosororinpoaso pochachin quëmapi'sa' sa'ina' nosoro'ina'. <sup>26</sup>Quisocristo chiminin anoyacancantinpaso marë'. Nanamën natëhuatëhuara, noyápiachin cancan quëtërinpoa'. I'quë amarëso pochin oshanënpoa' inquitërinpoa'. <sup>27</sup>Ya'ipi imarëhuasopita noya noya acoinpaso marë' naporin. Co pi'pian tëranta' në'huëtërinso pochin cancantacaso' nohuantërinhuë'. Napoaton ya'ipi co noyahuë' yonquirëhuasopita inquitërinpoa'. Noyápiachin cancan quëtërinpoa ni'ton, noya ni'sarinpoa'. <sup>28</sup>Inapochachin quëmapi'sa' sa'ina' nosoro'ina'. Inahuara nonëna pochin nicatona', nosoro'ina'. Insosona sa'in nosorohuachin, inaora ninosoroarin. <sup>29</sup>Co insonta' inaora nino'huirinhuë'. Tanahuachina,

coshatërin. Canotohuachina, chinotërin. Noya ina pochin ninosororin. Quisocriso imarëhuasopita nosororinpoaso pochin ninin. <sup>30</sup>Imarëhuasopitaso' inaora nonën pochin ni'ninpoa' ni'ton, a'naya a'nayanpoa' nosororinpoa'. <sup>31</sup>“Napoaton quëmapa sa'apachina, co huachi pa'pin, a'shin, inapita na'con na'con yonquicaso' ya'huërinhuë'. Sa'in na'con na'con yonquiaton, chinpitacaso' ya'huërin. Cato' piyapi nipirinhüë', a'naíchín pochin Yosëri ni'nin,” ténin quiricanënguë'. <sup>32</sup>Inaso' sacai' nitotacaso'. Caso nipirinhüë' Quisocriso noya yonquirinpoaso' sha'huitaranquëma'. Ya'ipi imarëhuasopita inarë'quënpoa' nichinpitërehua' ni'ton, a'naíchín pochin Yosë ni'ninpoa'. <sup>33</sup>Canpitanta' iyaro'sa', sa'ama' na'con nosoroco'. Canpitaora ninosororamaso pochachin sa'ama' nosoroco'. Sanapi'sanquëmanta' so'yama' noya ni'co'. Noya nicatora, natëco'.

#### Hua'huaro'santa' pënëninso'

**6** <sup>1</sup>Canpitanta' apia'huaro'sa', pënënanquëma'. Tatama' natëco'. Mamamanta' natëco'. Quisocriso imarama' ni'ton, inapita natëcamaso' ya'huërin. <sup>2-3</sup>Yosë quiricanën quëran pënëninpoa'. “Tatama' noya nicatora, natëco'. Mamamanta' natëco'. Natëhuatama', Yosë na'con catahuarinquëma'. Hua'qui' noya ya'huarama',” ténin quiricanënguë'. Ina pochin nicacaso' Yosë na'con na'con nohuantërin.

<sup>4</sup>Canpitanta' iyaro'sa', hui'nama' noya pënëncó'. Ama apira apira no'huicosohüë'. Apira apira no'huilhuatama', co natantochináchinhüë' cancantapona'. Co noyahuë' nipachina', sanoanan quëran pënëncó' noya nicacaiso marë'. Yosë nanamën noya a'chintoco' Quisocriso imaina'.

#### Sacatoro'sa' pënëninso'

<sup>5</sup>Patron marë' sacatohuatama', noya nicatora, natëco'. Ama nonpintocohüë'. Quisocriso marë' sacatarëso pochin cancantatoma', noya sacatoco'.

<sup>6</sup>A'naquënsó' patroni ni'pachina', chiniquënsó' sacatërin. Co ni'pachinhüë', chiroton co sacatërinhuë'. Canpitaso nipirinhüë' patron co ni'pirinquëmaonta', noya sacatoco' Quisocriso noya ni'inquëma'. Yosë natëtoma', ya'ipi cancanëma quëran noya nico'. <sup>7</sup>Co piyapi marëáchin sacataramahuë'. Siniro imarama' ni'ton, ina marë' sacatarama'. Napoaton ya'ipi cancanëma quëran sacatoco'. <sup>8</sup>Noya nipatëhua', Yosë'pa' acanaarinpoa'. Ma'huano'sahuë nipon, piyapinënpitahuë nipon, ya'ipinpoa' no'tëquënsó' sha'huitarinpoa'. Insosona noya nipachin, acanararin. Ina yonquiatoma', noya nico'.

<sup>9</sup>Patrono'saquëmanta', piyapinëmapita noya nontoco'. Ama no'huiana quëran camaitocohüë'. Yosë ni'sarinquëma' canpitanta'. Inaso' inápaquë ya'huaton, hua'anëntërinpoa'. Napopianáchin ni'ninpoa'. Co ma'huano'sa' noya noya ni'ninhüë'.

#### Yosë catahuarinpoa' sopai minsëcaso marë'

<sup>10</sup>Nani iyaro'sa' pënënanquëma'. Yosë imatoma', nani tahuëri ina nontoco' achinicancainquëma'. Inaso' chini chiniquënsó' nanantaton, ya'ipi nanitaparin ni'ton, catahuarinquëma'. <sup>11</sup>Sopai hua'an noyá nitotërin nonpinacaso'. Nani tahuëri yanonpintërinpoa'. Yosëso nipirinhüë' chini chiniquënsó' nanantaton, yacatahuarinpoa'. Ina nontohuatëhua', catahuarinpoa' sopai minsëcaso'. Sontaro'sa' a'mopiso pochin nininso' Yosë quëtërinpoa' ama sopai



minsëinpoaso marëhuë'. <sup>12</sup>Inimiconënpoa' co piyapi pochin quënanëhuahuë'. Sopai hua'anso' yaminsërinpoa'. Na'a sopairo'santa' inápaquë ya'huatona', yacamairinënpoa'. Co quënanpirëhuahuë', yonquinënpoa quëran yacamarinënpoa' co noyahuë' nicacaso marë'. Iporaso' notohuaro' piyapi'sa' tashi pochin cancantatona', sopai natëpi. Inari camairin ni'ton, pa'pi co noyahuë' yonquipi. <sup>13</sup>Sopai chiníquën sacatarin minsëinpoaso marë'. Napoaton Yosë nontoco' catahuainquëma'. Sontaro'sa' a'mopiso pochin nininso' Yosë quëtërinquëma'. Ina masahuatoma', a'moco' sopai minsëcaso marë'. Noya nitaparëso pochin nico'. Inapoa'toma', chinitoco'.

<sup>14</sup>Napoaton chiníquën cancantatoma', panca sintoronquë nitonpotopiso pochin no'tën nanan na'con nohuantoco'. Ina imatoma', no'tëquën nonco'. Co pi'pisha

tëranta' nonpinacaso' ya'huërinhuë'. Hua'na coton a'mopiso pochin noyasáchin nico' Yosë catahuainquëmaso marë'. <sup>15</sup>Sho'shorahuan sapatë' pochin nininso' po'mohuachinara, co to'coitopihuë', noya noya iratopi. Inapochachin canpitanta' Yosë nanamën sha'huitoco' a'napitanta' nitochina'. Noya nanan yonquihuatëhua', sano cancantarihua'. <sup>16</sup>Sontaro'sa' iscoto quëpapi nipa'shinta-caiso marë'. Inimicoro'sa' panca shinëre masahuatona', yaqui' noya orotërinso' nininquë pashitahuatona', i'chinpitopi. I'chinpitahuatona', pë'chinanquë aquë të'yatopi. Napoaton sontaro'sa' iscoto quëpapi nipa'shinta-caiso marë'. Ina quëran inimicori të'yanantohuachina, shinëre inaquë tacopiquirin. Panca shinëre orotërarinso pochachin sopai apira apira yanonpintërinpoa' Yosë naniantacaso marë'. Napoaton na'con Yosë yonquico'. “Yosë ni'sárinco. Co onporonta' naniantarincohuë',” topatama', achinicananarinquëma'. Co pi'pian tëranta' sopai natëaramahuë'. Iscoto quëpapiso pochin Yosëso' noya ya'copiarinpoa'. <sup>17</sup>Sontaro'sa' co casco hua'na quëran nininso' yancopihuë' naporini, a'naroáchin inimiconënpitari motën acochitonahuë'. Inapochachin canpoanta' co Yosë anoyacancantërinpoahuë' naporini, co cha'ëitërihuahuë'. Yosë quiricanënta' ya'huëtërinpoa'. Ispirito Santo nohuanton, ninshitërinënpoa' sopai minsëcaso marë'. Napoaton nani tahuëri ina nontatoma', yonquico'. Sontaro'sari sahuëninëna quëran inimico minsëpi. Inapochachin canpoanta' Yosë quiricanën quëran sopai minsëarihua'.

<sup>18</sup>Apira apira Yosë nontoco'. Ma'sha onpohuatamanta', ina nontoco' catahuainquëma'. Noya yonquiatoma', chiníquën nontoco'. Ispirito Santo

catahuarinpoa' cancanënpoa quëran huarë' noya nontacaso'. Ama amiato-mahuë', ni'sáco' ama a'nanaya sopai minsëinquëmaso marëhuë'. Ya'ipi imarë-huasopita marë' Yosë nontoco'. <sup>19</sup>Ca marënta' Yosë nontoco' catahuainco nanamën noya a'chinchí. Chiníquën cancantato, a'chinchí. Yosëso' yanicha'ëpirinpoahuë', na'a piyapi'saso' co nitochátërapihuë'. <sup>20</sup>Quisocristo chachin a'parinco a'chinta'huaso marë'. Ina marë' tashinan pëiquë po'morinaco. Po'mopirinacohuë', Yosë nontoco' ama të'huaisohuë'. Chiníquën cancantato, a'ninquëchin a'chinta'huaso' ya'huërin.

**Piquëran huarë' sha'huirinsó'**

<sup>21</sup>Iya Tiquico ya'ipi naporahuëso' sha'huitarinquëma' nitotamaso

marë'. Inaso' na'con nosoroato, iyahuë pochin ni'nahuë. Sinioro nanamën noya a'chinarin. <sup>22</sup>Canpitataquë a'paarahuë onpohuinsona ya'huëraiso' sha'huitinquëmaso marë'. Ina natanpatama', chiníquën cancantarama'.

<sup>23</sup>Quisocristo imarama' ni'ton, iyaro'sa', Tata Yosë asanocancainquëma'. Nosoro'inquëma'. Catahuainquëma' sha'huitërinpoaso' noya natëcamaso marë'. Sinioro Quisocristonta' inapochachin catahuainquëma'. <sup>24</sup>Quisocristo hua'a-nëntarinpoa'. Ina nosoromiatohuatama', inaora nohuanton, Yosë noya catahuainquëma', ténahuë. Amen. Nani ninshitëranquëma huachi.

*Paono*